



**POSLOVNIK O IZMJENAMA I DOPUNAMA  
POSLOVNIKA O RADU UPRAVNOG ODBORA  
KANTONALNE JAVNE USTANOVE  
„GERONTOLOŠKI CENTAR” SARAJEVO**

**Sarajevo, mart 2026. godine**

Na osnovu člana 27. stav 1. alineja 6. Zakona o ustanovama („Službeni list RBiH“, br. 6/92, 8/93 i 13/94) i člana 60. stav (1) podstav 1) alineja o) Pravila Kantonalne javne ustanove „Gerontološki centar“ Sarajevo, broj: 07-1070/13 od 26.11.2013. godine, broj: 13-999/19 od 15.07.2019. godine i broj: 16-1739/22 od 05.12.2022.godine i člana 30. Poslovnika o radu Upravnog odbora br. 11-1196/17 od 28.08.2017.godine i br. 15-988/21 od 23.06.2021.godine, Upravni odbor na 3. redovnoj sjednici, održanoj dana 27.03.2026. godine, donosi

**POSLOVNIK O IZMJENAMA I DOPUNAMA  
POSLOVNIKA O RADU UPRAVNOG ODBORA  
KANTONALNE JAVNE USTANOVE  
„GERONTOLOŠKI CENTAR” SARAJEVO**

**Član 1.  
(Izmjena člana 9.)**

U Poslovniku o radu Upravnog odbora Kantonalne javne ustanove „Gerontološki centar“ Sarajevo, broj: 11-1196/17 od 28.06.2017.godine i br. 15-988/21 od 23.06.2021.godine, **u članu 9., u stavu 1. brišu se riječi: „koji će trajati duže od 6 (šest) mjeseci”.**

**Član 2.  
(Izmjena člana 10.)**

**U članu 10. Poslovnika, stav 3. se mijenja, i glasi:**

*„(3) U slučaju spriječenosti predsjednika da prisustvuje sjednici, on će na način propisan u stavu 2. ovog člana, o toj činjenici obavijestiti člana Upravnog odbora za kojeg se odluči da će ga mjenjati.”*

**Član 3.  
(Izmjena člana 11.)**

**(1) U članu 11. Poslovnika, u stavu 1., tačka se zamjenjuje zarezom i dodaje sljedeće:**

*„a u svrhu izrade zapisnika i/ili eventualno razjašnjenja dilema ili nejasnoća u vezi sa sadržajem zapisnika prije njegovog usvajanja. U skladu s članom 11. stav 2. tačka a) Zakona o zaštiti ličnih podataka BiH, prilikom imenovanja svi članovi Upravnog odbora, kao i prisutna lica na sjednici potpisuju pisanu saglasnost, koja važi do isteka mandata ili njenog povlačenja. U slučaju odbijanja davanja saglasnosti ili povlačenja saglasnosti, neće se vršiti snimanje lica koje je odbilo dati saglasnost ili je povuklo saglasnost. Tonski/Audio zapisi se uništavaju u roku od pet dana od dana usvajanja zapisnika s prethodne sjednice.”*

**(2) U istom članu 11., u stavu 4., , riječ u zagradi „pet” zamjenjuje se riječju „sedam”.**

**Član 4.**

Ovaj Poslovnik o izmjenama i dopunama Poslovnika o radu Upravnog odbora Kantonalne javne ustanove „Gerontološki centar” Sarajevo stupa na snagu i primjenjuje se narednog dana od dana potpisivanja.

Broj: 20-01- 1163 /26  
Sarajevo, 27.03.2026.godine



**PREDSJEDNIK  
UPRAVNOG ODBORA**

Zlatan Velić

Bosna i Hercegovina  
Federacija Bosne i Hercegovine  
KANTON SARAJEVO  
KANTONALNA JAVNA USTANOVA  
„GERONTOLOŠKI CENTAR“  
S A R A J E V O  
- UPRAVNI ODBOR -

Broj: 20-01- 1163-1 /26.  
Sarajevo, 27.03.2026.god.

Na osnovu člana 27. stav 1. alineja 6. Zakona o ustanovama („Službeni list RBiH“, br. 6/92, 8/93 i 13/94) i člana 60. stav (1) podstav 1) alineja o) Pravila Kantonalne javne ustanove „Gerontološki centar“ Sarajevo, broj: 07-1070/13 od 26.11.2013. godine, broj: 13-999/19 od 15.07.2019. godine i broj: 16-1739/22 od 05.12.2022.godine i člana 30. Poslovnika o radu Upravnog odbora br. 11-1196/17 od 28.06.2017.g. i br. 15-988/21 od 23.06.2021.godine, Upravni odbor na 3. redovnoj sjednici, održanoj dana 27.03.2026. godine, donosi

## O D L U K U

### I

Usvaja se Poslovnik o izmjenama i dopunama Poslovnika o radu Upravnog odbora Kantonalne javne ustanove „Gerontološki centar“ Sarajevo.

### II


Ova Odluka stupa na snagu danom donošenja.

## O b r a z l o ž e n j e

Pravni osnov za donošenje Poslovnika o izmjenama i dopunama Poslovnika o radu Upravnog odbora Kantonalne javne ustanove „Gerontološki centar“ Sarajevo nalazi se u odredbi člana 27. stav 1. alineja 6. Zakona o ustanovama („Službeni list RBiH“ broj:6/92, 8/93 i 13/94), kojom je utvrđeno da Upravni odbor donosi opšte akte u skladu sa zakonom i pravilima ustanove. Pravni osnov je sadržan i u odredbi člana 60. Pravila Kantonalne javne ustanove „Gerontološki centar“ kojim su utvrđeni akti koje donosi Upravni odbor Gerontološkog centra. Alinejom (o) člana 60. Pravila je utvrđeno da Upravni odbor donosi Poslovnik o radu Upravnog odbora. Članom 30. Poslovnika o radu Upravnog odbora br. 11-1196/17 od 28.06.2017.g. propisano je da se izmjene i dopune vrše se na isti način i po istom postupku predviđenom za njegovo donošenje.

Nakon razmatranja predloženog teksta Poslovnika o izmjenama i dopunama Poslovnika o radu Upravnog odbora Kantonalne javne ustanove „Gerontološki centar“ Sarajevo, Upravni odbor je odlučio kao u dispozitivu.

Dostavljeno:  
1x Služba pravnih i općih posl. Geront. centra  
1x arhiva Upravnog odbora  
1x a/a



PREDSJEDNIK  
UPRAVNOG ODBORA

Zlatan Velić

